

Sier Piero Morexini di sier Tomà qu. sier	
Piero	L. 5
Sier Ziprian Gabriel di sier Francesco.	» 5
Sier Marco Antonio Gabriel qu. sier Giacomo,	
qu. sier Bertuzi el cavalier	» 5
Sier Almorò Dolfin qu. sier Alvise.	» 10
Sier Hironimo Pixani qu. sier Lorenzo <i>dal</i>	
<i>Banco</i>	» 10
Sier Vincenzo Pixani qu. sier Lorenzo <i>dal</i>	
<i>Banco</i>	» 10
Sier Marco Antonio Pixani qu. sier Lorenzo	
<i>dal Banco</i>	» 10
Sier Giacomo Pixani qu. sier Almorò <i>dal</i>	
<i>Banco</i>	» 10
Sier Andrea Barbarigo di sier Gregorio	» 10
Sier Marco Longo qu. sier Alvise	» 10
Sier Nicolò Balbi qu. sier Zacharia.	» 5
Sier Zuan Trivixan qu. sier Alvise, qu. sier	
Nicolò procurator	» 5
Sier Zorzi Corner di sier Francesco, qu. sier	
Zorzi	» 10
Sier Alvise Grimani di sier Nicolò	» 10
Sier Lorenzo da Mula di sier Agustin	» 10
Sier Dario Contarini di sier Tadio	» 10
Sier Anzolo Trivixan qu. sier Alexandro, qu.	
sier Anzolo	» 10
Sier Francesco Bondimier qu. sier Bernardo. »	10
Sier Nicolò Beneto di sier Matio	» 10
Sier Bertuzi Emo qu. sier Giacomo	» 10
Sier Piero Venier qu. sier Santo	» 10
Sier Piero da Canal qu. sier Giacomo, qu. sier	
Piero	» 5

93 Da poi disnar, fo Colegio dil Principe, Signoria et Savii.

Di campo, vene letere dil Griti et Nani, date di là di Ada a Susan, a di 10, hore 14. Come nostri erano uniti col campo francese, e terminato obstar a i nimici volendo passar Ada; et che haveano posto l'artellarie sopra le rive etc. I nimici tutti erano *etiam* loro su le rive per passar; et altre particolarità. *Item*, come aspetavano 17 oratori di cantoni di sguizari zonti a Milano, quali vieneno in campo inimico a protestar a li sguizari non vadino avanti nel Stado di Milan. *Item*, scrive consulti fati con Lutrech di obstar il passo de i nimici, e ordinato zò di le rive stagino i fanti in ordinanza, et li cavalli vadino suso e zoso, e pasando parte se li dagi adosso.

Di Hongaria, di sier Lorenzo Orio el dottor orator nostro, date a Cinque Chiesie a di 26

Octubrio. Scrive come il Re era indisposto, *adeo* havia terminato e si feva portar in leticha a Buda; et che l'Imperador havia mandato per nontio a posta a dirli che non dubitasse, perchè a tempo nuovo vegneria in persona ad aiutarlo. *Item*, come a Jayza quelli hongari erano stati a le man con uno bassà dil Turcho restato a quelli confini, et è stà occision non poca, *adeo* quel capitano hongaro è fuzito con 7 cavalli. *Item*, scrive, in campo dil Re è grandissima febre, tutti di una egritudine, per il chè il Re ha licentiatu li poloni e altri con promission e giuramento di ritornar il primo di Marzo; et era *etiam* il Re di tal febre amalato, et che li baroni et signori aviava a Buda, perchè a di 18 di questo, il di di Santa Helisabet, fevano una dieta zeneral. *Item*, scrive come in la letera dil re di Romani è una particolarità, che l'atende a far trieve con il re Christianissimo per poterlo venir ad ajutar. *Item*, turchi in la barufa fata verso Jaiza ha, tra presi e morti, cavalli 500, menato via anime 3000, et animali assaisimi.

Di Zara, di sier Francesco Arimondo conte e sier Beneto Valier capitano, di . . . Scrive di queste occorrentie di turchi, et come si dice dieno venir a Clisa, et che hanno in quelle parte fato gran danni.

Di sier Agustin da Mula provedador di l'armada, date a Sibinico, a di primo. Scrive in conformità di ditti turchi doveano corer a far danni.

A di 13. La matina, non fo letera alcuna da con- 93* to, nè cosa notanda.

Vene in Colegio sier Marin Zorzi el dottor, venuto podestà di Padoa, in loco dil qual Domenica andoe sier Pier Marzello, vestito di veludo negro; fece la sua relatione. Prima, zercha la justitia e ordeni di quel palazzo, dolendosi di Avogadori non lassa far justitia con le suspension; et aricordò certi ordeni quali da li Savii fono laudati, et voleno meter la parte in Pregadi. Disse dil Studio et la condition di doctori, qual è uno florentissimo et bellissimo Studio più che l' sia stato zà molti anni, et assa' secolari, tra li qual ne sono 20 signori che tien corte di 20, 30 et 40 persone l' uno. Disse di le fabriche un poco e di la terra. Poi volse fusse chiamato li Cai di X, et referite alcune cosse. Fo laudato *de more* dal Doxe justa il consueto.

In questa matina, fo dato principio a far la monstra a Lio a do compagnie di stratioti, over cavalli lizieri. Prima Mega Ducha, capo di stratioti, ha fato 120 cavalli di stratioti al Zante, et se li farà la mon-